



*DBKL menunda kenderaan yang dibiarkan tersadai ke depoh kenderaan buruk di Salak Selatan, Taman Connaught dan Pantai Sentral.*

*(Foto FB DBKL)*

# DBKL tunda kereta buruk tersadai

**Kuala Lumpur:** Dewan Bandaraya Kuala Lumpur (DBKL) mempergiatkan usaha menunda kenderaan buruk yang dibiarkan tersadai terutama di lokasi awam.

DBKL dalam kenyataan berката, isu kenderaan buruk yang tersadai itu sering menimbulkan rasa tidak senang warga kota.

Katanya, segelintir pemilik kenderaan dilihat membiarkan kenderaan lama mereka terbiar di lokasi awam seperti di petak parkir kawasan perumahan, bawah jambatan dan di tepi jalan.

Keadaan itu katanya, bukan sahaja memburukkan pemandangan tetapi juga menimbulkan masalah lain seperti kekurangan petak parkir, halangan lalu lintas malah menjadi tempat pembiakan makhluk perosak.

“Oleh itu DBKL sedang mempergiatkan usaha menunda ken-

deraan-kenderaan buruk yang dibiarkan tersadai ini ke depoh kenderaan buruk di Salak Selatan, Taman Connaught dan Pantai Sentral setelah tempoh notis yang diletakkan di kenderaan buruk tersadai ini tamat,” katanya di Facebook.

Justeru, DBKL menasihati pemilik kenderaan usang supaya mengambil inisiatif menyelesaikan hal kenderaan mereka.

Katanya, jika mempunyai modal, mereka boleh membaiki pulih kenderaan atau jika sebaliknya, boleh memilih meleraikannya dan dijual sebagai alat ganti kenderaan.

“Sesetengah pemilik kenderaan yang kreatif boleh juga menjadikan kenderaan usang mereka sebagai hasil seni namun yang penting perlu bertanggungjawab pada kenderaan usang masing-masing,” katanya.